

Ilunabarrak Bilboko Abran

Jose Alzuet. Zaragozan jaio
arren bere bizitzako urte
gehienak Bilbon egin ditu.
Bizkaiko arrantzale herrietan
edertasuna aurkitu zuen egun
lainotuetan kolorea
deskubrituz.

2012 Ots 6

Leioako (Bizkaia) auzo herritar
bateko beheko solairuan dauka bere
estudioa. Atalondoan sartzean, bere
margolanak ikusten ditut paretan.

“Nire ekarpena auzokoentzat” esaten dit.

Labetik zeramika batzuk ateratzen ari da, eta mahai gainean Bilboko Abraren zenbait argazki ditu, tonu oso ezberdinetakoak. Gehien maite dituenetako paisaia bat da, urte asko baitira itsasotik gertu bizi dela.

Jose Alzuet Sadaban (Zaragoza) jaio zen 1928an. Familiak okindegia zuen eta txikitatik aldi berean labeko lanaz arduratu eta pintatu ere egiten zuen. Maiz eskatzen zion aitari margolarien obren irudiak ekartzeko Zaragozatik; eta arratsaldetan haiek imitatzen saiatzen zen.

Pablo Celma, herriko maisua, izan zen gehien bultzatu zuena: “Hark sartu zidan zaletasuna”. San Fernandoko Arte Ederren Goi Eskolan sartzen lagundu zion. Aita ere aliatu bihurtu zen eta Josek bere marrazkiak Eskolan erakutsi

zituenean, harrotasunez esaten zuen:
“Inork ez dio lagundu”.

Benetako lehen proba ez zen berebizikoa izan. 1945eko ekainean kultura orokorraren azterketa pasa zuen, ez ordea marrazketarena. Horrek uda bat Madrilen lanean erakarri zion, baina bere saria izan zuen. Hurrengo ikasturtean marrazketa eta prestatze ikastaro osoa gainditu zituen eta handik bost urtera Aragoiko artisten erakusketan, Zaragozan, grabatuentzat emandako urrezko domina jaso zuen.

Artearen bidez kristau baloreak transmititzen ote diren galdetzen diot. “Bai, baina normala izanez. Gizalegekoa izan behar da artea lehenik. Nire sentsibilitatea transmititzen dut nik, koadroak erlijiosoak ez badira ere. Edertasuna aintzat hartzeko gaitasunak, gizaki orok –pertsona denez– duen

kontenplazio gaitasuna garatzera darama”.

Erroman bi urte igaro ondoren, 1956ean harremanetan jartzen da Parisen panorama pedagogikoaren aditu bat bihurtzen duten mintzaira plastikoaren mugimendu herritzaileekin.

Gero Bilbon instalatzen da, eta ia 50 urte dira bertan bizi dela:

“Arrantzale herritan edertasun plastiko oso deigarria aurkitu dut, batez ere Bermeoko itsasontzietan. Egun lainotuetan ikusten dut nik hobekien kolorea”.

Opus Deiko espiritua bere bizitzan nola gauzatzen den galdetzen diodanean, hau da erantzuna: “Ez al duzu zeuk ikusten?” Estudioan ordena, garbitasuna, koadroak gordetzeko orduan gauza txikiak zaintzen direla ikusi dudala esaten diot... Baita ere ez dagoela bere lanei lotuta. Hauxe eransten du:

“Besteentzat baliagarria izan dadila nire lana, horixe nahi dut. Atsegin hartzen dut nire margolanak eginez, altxor bat ahal izan daitezen herri honetarako”.

Urtetan zehar bere tailerratik mihise, mural, zeramika eta mosaiko pilo bat atera dira hanbait lurraldetara: Australia, Estatu Batuak, Ingalaterra, Frantzia...

Arazo batzuk ditu izenak
gogoratzeko baina san Josemariari
erakutsitako jotaz galdetzen
diodanean, buruz esaten du:

El querer sin esperanza

Es el mas lindo querer

Yo te quiero y nada espero

Mira si te quiero bien

Fuiste mi primer amor

Tú me enseñaste a querer

No me enseñes a olvidar

Que no lo quiero aprender

Bukatzerakoan hunkitu eta
begietatik malkoak zerizkion

pdf | document generated
automatically from [https://
dev.opusdei.org/eu-es/article/
ilunabarrak-bilboko-abran/](https://dev.opusdei.org/eu-es/article/ilunabarrak-bilboko-abran/) (2025 Abu
5)